

國家圖書館藏

中華歷史人物別傳集

綫裝書局

道光戊申刊

# 伯山日記

伯山日記一卷

桐城姚東之幼穉甫著 受業內鄉王檢心子涵甫校刊

道光十二年壬辰十二月二十三日上督院衙門晚過越華書院  
範川太史留飲是日蕭梅生在坐飯後回寓得樸亭書其畧曰揭  
陽辦不動固由於風俗蠻悍亦坐在無錢從前辦案兵費出自鄉  
間此地人情不惜命而惜財以鄉間之錢辦案彼苦於供億當時  
既可了案事後追悔痛定思痛兼可止鬪今則兵費出自己囊遇  
有案件差役不敢下鄉必須親詣督催兵役少則公然抗拒兵役  
多則相率逃匿深山峻谷茂林深箬隨在可以暫避而地方官日

伯山日記 一卷

費數十金久而資糧不繼不得不撤兵而返是地方官底蘊全爲  
百姓所窺官來則暫爲解散官去則糾鬪如故不但視帶兵爲等  
閒且轉以爲疲敝官兵之計故前函謂潮州大局壞於我輩之謾  
操守乃實在情形非矯激之談也又况兵費雖裁於下而武營之  
開銷則未嘗裁也武營帶兵遊府每日銀六元都司每日銀四元  
千把以下每日一元此從前要兵費時開銷也今則文官不要兵  
費而武營必不可減若非上臺作主我輩雖欲作海剛峯其可得  
乎無錢既不能辦事而我輩良心又不可昧操守又不可改畚鍤  
料而外更有何術乎揭陽錢糧向來不過七分許大兄任內僅徵

至六分弟今年尙不及六分所以然者固由於本年收成歉薄然亦陞任道憲兩案壞之也一爲曲溪吳姓抗欠最多弟親詣翠蓀欠戶一名訟棍吳俊寶以差役詐贓不遂縣官帶領多役詣鄉抄搶等情赴府具控方川先生以爲陳樸亭斷不至此必訟棍抗糧才告批將吳俊寶押發而道憲已飭省釋專提差役究辦矣一爲石牌蔡姓因差役催糧緊急訟棍蔡馨香以蠹役串通家人詐贓赴府具控方川先生汪姓名忠德漢單先生陳姓名道坦皆飭縣查訊而道憲又批提審矣又該原告粘抄道批赴省具控省中亦只得照案批提現在差役解府累月而原告避匿不到無論各鄉效尤卽

伯山日記

一卷

二

差役亦兢兢焉畏累之不暇其敢認真督催乎我輩讀書曉得春秋之義不敢要君然此中委曲若不達諸上游相率因循其弊伊于胡底弟意閣下稟辭時可將此情形和盤托出滅武營之供張卽以養文官之操守至於因抗糧而上控或押發原告或先飭完糧再提差役審訊有無索詐情弊不但徵輸賴有起色所全於政體者亦復不少

云

始知揭陽實在情形升任道龔姓綬名

二十四日謁廣州胡太守午刻蕭梅生來過談攜有所著進口洋米議實爲粵省第一要政惜不果行其畧曰粵東濱海之區耕三餘七向幅員遼闊口食不敷歲須廣西桂柳梧潯諸府載米來

東接濟設遇西省年荒諸郡閉糴東省市價翔貴小民時有匱乏之虞惟洋米產小呂宋國地在臺灣之南土美水甘不耕而獲稻米一石值銀數錢由海道來廣不過六七日粵關通市夷船每名攜帶入口乾隆八年欽奉諭旨凡遇外洋貨物來閩粵等省

貿易帶米一萬石以上者免其船貨稅銀十分之五帶米五千石

以上者免其船貨十分之三其米聽照市價公平發糴等因

見乾隆五

十七年總督孫公咨覆粵海關文內援引據稱乾隆八年十月二十七日准戶部咨云新修廣東通志恭載入市船門仰見

聖謨廣運軫切民依灼知開禁南洋爲控制外蕃起見國

家富有四海並非需此稅銀與其茶葉大黃易呢羽鐘表無用之

伯山日記

一卷

三

物不如助籌足食潛使利賴閭閻訓典煌煌勝算操而垂裕遠也自司權者專利自封多不以此爲便奉行日久舊制漸湮嘉慶十一年以後續來米船粵關止予免鈔飭令空船出口由是夷商無利來米頗稀道光四年總督阮公奏請各國夷船專運洋米來粵免其丈輪船鈔所運米穀起貯洋行糴賣原船載貨出口一體徵收稅課得旨允行一時黃埔灣門歲增米十餘萬石蓋藏至爲寬裕矣然各國來粵米船均係零星小販並非資本充裕之夷每船載米三四千石卽一二千石不等雖有出口貨物其數不甚相懸洋米之獲利既微出口之稅銀又納所免進口鈔規始猶抵

敷關一兩且不足取償緣阮公入告之時僅據縣稟議行其乾隆八年寬免米船貨稅之

恩旨未經查明聲敘是以但能導夷

船之歲至而不能使洋米之積餘可以收效於會城而未得推行於全省本年早稻收穫僅及六成秋冬亢旱晚稻不足三成來歲青黃不接之際即查照乾隆嘉慶年間成案飭商採買洋米回粵糶賣將來平其市價非不可轉歉爲豐而暫時舉行究非永久之善策似應奏懇

聖慈申明乾隆八年舊例嗣後凡遇外洋夷

船並無別貨攜帶專運洋米來粵五千石以上者免其出口貨稅十分之三二萬石以上者免其出口貨稅十分之五其載米不過

伯山日記

一卷

四

五千石以上者仍照道光四年成案止免進口鈔規不寬出口貨稅以廣

皇仁而昭限制如此則外洋米穀進口愈多以關市

之征資積貯之益因勢利導實深合於裁成輔相之宜詳其大利厥有五端各省災荒類多截留漕米數十萬石糶濟民食

天

庾正供例有定額因蘇民困遂缺倉儲若鼓舞外蕃梯航自効經費不損廩給日充其利一也徂飢之患半屬窮黎近時銀價增昂

制錢日賤小民肩挑壚趁所得不過錢文而石米百觔需銀四圓

計其角尖之息餘不敷升合之價值腴羊鮮飽實可矜憐今若洋米充溢內價日平民錢雖少民米轉多其利二也海濱秀民睚眦

玩法打單勒贖事變常滋全賴時和歲稔家慶豐盈民氣不驚人

心斯固今若洋米暢來預防儉歲比戶之三餘自足揭竿之四應

無虞銷患未萌召和養福其利三也潮嘉諸屬向資臺米歲歉不

登每多劫掠如聞臺匪倡亂猖獗非常米阻不來民艱可念今若

洋米滙積近省不需轉運潮嘉分番糶濟臺米不虞於阻滯械鬪

可息其澆漓其利四也齎盜以糧古語所戒重洋伏莽

盛世

宜防小呂宋產米之區近接粵洋一驅直達計日往還設有艇匪

不靖私赴收買禁斷無從蔓延足慮今若洋米招致來舶源源多

一分之敏關即少一分之私賣綢繆未雨消息因時其利五也有

伯山日記

一卷

五

此五利乎惠百蠻救時良法莫逾於此然而議者或曰

天朝

民食豈藉外洋權貨免徵且將虧稅請更得而申言之夫茶馬者

西北之利也以內茶易番馬不得謂中國之戰騎取給於夷也通

其地之有無使所產不歸紅腐

天子之所以嘉惠遠夷收其

土之蕃育使所積皆我邊儲至入之所以陰銷強國神民之用因

應無方也若粵關正額盈餘歲需銀九十萬兩比年奏銷常溢收

四五十萬其中進出貨稅以英吉利公司夷船爲大宗英吉利風

俗向來情勤織作所製呢羽毛洋布紗線等物非中國無以流通

米產小呂宋等處不過一隅之地又距英吉利國都方萬餘里使

進口洋米出口減稅止港脚花旗諸夷聞風與販亦無過十之五  
六他英吉利闔境民夷必不容廢其織作專以販米牟利是進口  
之呢羽如常即出口之貨稅無減粵關正餘之數歲終豈遽懸絕  
耶且即關稅稍細而藏富於民備戶口之流亡免司農之振貸以  
下益之有餘補上捐之不足大臣經國之遠猷聖上綏邊  
之至計詎與夫頭會箕歛較短絮長耶明良一德婉轉祖訓  
以厚民生庸慮當宁之少有靳惜也或者又謂米非洋產買  
自邊郡船若暢來盡攜牙片此皆參隨巡攔之屬造為飛言阻撓  
盛業而不知內米洋米味各不同市價番價豈甘折閱也更不知

伯山日記

一卷

六

零丁躉船自販煙土即洋米不通而貨船獨不賣夾耶夫洪範八  
政一食二貨因貨通而食足所謂交易而退各得其所也國實民  
富而後教化可成也要惟當路君子勤民隱之求而已謹議云  
二十五日謁廣州太守午刻邀張相侯雲南人段士聰陝西人顧  
椿工部主事三同年小酌段字樸亭治太谷有聲張字雲谿新安前兩  
令俱為大吏所逼殺張承其後措置有方以憂去官是席盧昌發  
所饋也是日讀楊臬司稟廣東情形稿又核議潮屬械鬪情形稿  
其稟稿畧曰頃奉鈞函荷蒙嘉獎捧讀之下悚悚滋深伏惟大人  
視躬叶慶鼎席凝祥福曜式臨共荷甄陶於無外智珠在握胥歸

衡鑑以皆真固已礪飭官方人思效職剔除積弊物無遁情而且  
虛若谷之懷殷下車之問職道自慚愚鈍莫贊高深敢不竭一得  
之愚以效萬分之益伏讀制伏荏符為地方急務之諭仰見握要  
是圖去其太甚至意查粵東盜案多於他省實由地窄人稠多無  
恒業而又不能離去其鄉各謀生理之所致以通省計之廣肇南  
韶等處較多亦由地涉衝途商賈輻輳宵小易生覬覦且易潛藏  
之故至東路洋面當從前洋匪肆劫之際內地奸民暗與勾結劫  
案頻聞自各匪殄滅投誠以後招引無人而船械炮火又難遽集  
近年所以能臻安謐現在水師各鎮協巡緝認真不使外來匪船

伯山日記

一卷

七

潛入自道光二年以來經澄海南澳曾盤獲圖劫未成二案詳辦  
此外並無失事之案其內河則河面淺狹如非廣肇等處港汊紛  
歧易於駛逃且保練人等可以蹤踪跟捕西路自惠州至龍川一  
帶東路自潮州至長樂一帶數年以來劫案甚少是內河情形亦  
尚無甚大患惟潮屬劫案每歲總有數起推原其故海潮揭惠普  
等縣則由大鄉爛匪不事農商務為游蕩小鄉無業之徒與之附  
和因而遇便向劫又因近年查禁鬪案甚嚴其素習鎗手之爛匪  
無從受僱遂相率搶劫誠為地方大害饒平大埔則與閩省韶安  
平和等縣接壤上年大埔縣已故潘令任內事主黃宏俊被劫之

案經卸任袁令設法破案即係平和盜匪該匪徒特在隔省關拘  
匪易故敢於肆行

職道

查悉情形即諭各令平日固以嚴拏爛匪

爲要有事時則必須緝獲真正首夥不得以小案零匪搪塞完案

其閩匪雖在隔省然果偵訪的確亦何難移會協拏日今海陽自

道光三年四百盜犯顏義安等挈辦以後並無劫案揭陽惠來澄

海豐順等縣劫案先後破獲解辦後漸臻安謐是其明證大埔黃

宏俊之案現飭新任徐令懸賞購線移會平和同心協拏務期悉

數獲案俾匪徒等知雖在隔省亦難饒脫而後可期安靖也總之

我國家昇平日久人生齒日繁有案即辦有犯即捕雖不能窮除

伯山日記

一卷

八

淨盡亦尙可少安民生粵東向稱殷實而近來則頗形窮窘地方

官除蒞固屬要圖而安富尤爲本務蓋多一有身家之百姓即少

一爲盜賊之匪人是尤在地方官之知其所以不安而思所以安

之也至惠潮嘉三屬時事情形

職道

數年來確加體訪知各有不

同必須分別懲治亦如先有所急者謹爲大人陳之查惠屬民氣

大致淳樸而士風最爲刁劣往往以職員生監聯名許訟把持官

府鄉愚無知附和聽從遂時有聚衆抗糧搶奪械鬪之事地方官

飭差傳質抗不到案即挈獲滋事餘人亦堅不供指而渠仍暗中

把持以致纏訟拖累深爲地方之憂

職道

常面諭該令等以此恃

符劣矜不難訪明實跡懲一警百所慮者地方官平日公事不謹

授人以柄彼得持其短長耳如果知自愛無不可對人之事又何

所顧忌而不辦乎現在如歸善龍川河源博羅各令尙能體會此

意力挽頹風蓋此風亦該四縣較甚也至械鬪頂凶之弊惠屬亦

早染此風

職道

常諄囑該令等加意查禁並將

職道

近年治潮之

法詳晰示知務須力清其源並塞其流不可再令蠶觴漸不能制

然此尙係惠屬癰疥之疾也竊惟惠屬切要之患莫重於拜會一

事夫拜會惡習於始不過遊手好閒之人倡爲保守田園之輩沿

郵斂費以資飲博狡黠者樂於附和謹愿者被其脅從居家可免

伯山日記

一卷

九

竊劫之虞出門亦得仗助之力遂更倡爲三才會三點會有開口

不離本舉手不離三之暗號也其主事之人爲先生爲首之人號

爲大哥以竊賊爲黨以乞丐爲耳目小有被害之家隱忍而不言

而通衢小路搶奪頻聞或因所失無多不願匍匐公庭或告官准

理仍難緝獲賊以致若輩日益無忌地方官或爲書差朦蔽而

不及知或稍有所聞又以目前無事如苟安之計養癰貽患不可

不防查惠屬九縣一州僅海豐陸豐無此風氣其餘八屬處處有

之而嘉應龍川屬之長樂興甯連界最爲會匪淵藪又由龍川北

至河平連平俱與江西之定南龍南信豐毗連又嘉應屬之平遠

鎮平與江西之會昌長甯毗連俱係山深路僻此舉彼竄前次年江西查辦會昌龍南會匪粵省查辦連平州會匪其時稍爲斂戢此數年來又將蔓延浸熾矣此等匪徒從前曾有交接兵役聯爲一氣者去歲會面詢何提臺及恒守等僉稱近來會匪在處時有而有與兵役交接實無其事又復遍詢於人衆口如一似屬可信緣查該匪徒雖無交接兵役之事其結會拜盟雖亦無歃血盟書如山東等省邪教包藏禍心而其互相煽誘日聚日多誠恐積久必將膽大妄爲如從前博羅縣陳爛履四之案亦不可不防其漸但靡靡之俗勢難紛紛查拏而且形跡未彰又未可操之太蹙惟

伯山日記

一卷

十

有密訪首犯獲案懲辦以警其餘而已本年春間會將前項情節詳臚告示發惠嘉兩屬令其遍貼曉諭並嚴札頻催查辦又經面諭該守牧令等認真辦理去後嗣據稟覆遵辦至今尙無一獲大率粉飾太平以並無大夥結拜爲詞誠思拜會而至大夥復堪問耶現仍嚴催查辦並祈大人嚴飭各屬實力稽查並請頒發告示多張所有通衢要路僻壤窮鄉咸使聞知庶幾振聾啟聵俾舊從附和者及早省悟解散使其黨羽無多藉可易擒首惡是亦彌患於未然之一道也潮屬吏治廢弛其故在官不講操守而且利地方之有械鬪一任買凶頂替遂得肆斂兵費訟費因而書差肆斂

監費解費又因凶犯之絕不翻供率定爰書妄成冤獄以致民日益鳴張藐視官長實非一日職道於道光二年到潮州府任後查悉情由當與該令等對切示約以鬪風急切不能禁息可諉之於民而不辦頂凶不索兵費等項則權可操已夫民不畏賊吏而畏清官皎皎然也然則欲民畏官則必先官不要錢而後可以次第整理職道每帶兵辦案一切費用悉用自貲並出示有案各鄉嚴禁兵費名目而首先爲各屬倡首海陽李令繼之者潮陽劉令以後各令均能效法觀感不蹈故轍蓋必如是而後可與言治潮也至潮民之好鬪向來多由矜者主持爛患聽從近則有力之家

伯山日記

一卷

士

半成空匱矜者漸知自保而爛患則利於有事鄉族倡有小嫌卽爲搆釁釀命之後屍親擇肥而噬爛患不在其中仍勒被控之人代爲輸服買凶等費則爛患肆爲鴟張實屬目前之大害且桀驁不馴之氣亦實非族長矜者之所能制是近來械鬪並無斂錢約期之事大率鮮起一時而爛患爲之主謀富戶受其實禍竊以爲欲遏鬪風惟有設法制服爛患破其藩籬使彼計無所施乃可期漸就斂戢職道是以與該令等堅明約束嗣後一聞械鬪信息除迅速彈壓禁阻仍查拏主謀附和酌加懲治外其已經釀命之案縣中一面馳往相驗一面密訪在場主謀爛匪及受僱鎗手按名

查拏置之於法餘犯或擬以遣流或永遠破鎖一概不准房族送  
凶徒以無辜搪塞至潮屬鬪案無不擇肥而噬查兩造鬪關之際  
安有的確見證屍親既未到場縱欲控告正凶亦無主名可指况  
某人某傷卽正凶亦不能指認因而爛患誘引屍親或卽爛患屬  
充屍親任意指控肆其所爲且在場被殺之人卽在場滋事之匪  
此而以無辜愚民買命抵償已非天理若復將所控之凶獲案擬  
抵尤爲黑獄所有鬪案屍親呈詞除逐層批駁一面押發質訊一  
面詳報緝凶候訪獲真正在場之滋事爛匪定供後再報獲犯如  
屍親不肯輸服卽行坐誣如此鞭辟近裏痛事剔除則屍親輸服

伯山日記

一卷

三

之費富戶買凶之費及一切監解等費悉無所用而爛患之伎倆  
窮矣地方官縱多得詳報遲延及緝凶不力處分究愈夫忍心害  
理聽命於爛患之手而妄成冤獄者近來辦理各案卽用此法鬪  
案漸少亦未始不由於此惟是解各犯率多翻供之犯較從前絕  
不翻供之犯必有能辨之者亦各行其心之所安而已至於平日  
查拏爛匪所以預遏鬪風尤不可緩自道光三年以來每年約獲  
百餘名或百數十名由道審轉在案本年各屬詳報獲犯比較往  
年又多數十名總之此等爛匪實繁有徒多獲一犯卽多去一害  
是在各該令與捕巡各官實心查拏不肯鬆勁則匪徒自無所遁

逃矣

職道

與各屬苦心經理務爲其難者五載於茲現在黃守亦

實力整頓惟恐少縱卽逝然比年來僅能使鬪案較少不能使鬪  
案禁絕夙夜悚惶無以爲地尙祈嚴加訓示俾有遵循以期漸化  
澆漓日臻上理是又

職道

與該守令等所望於大人之策勵者也

嘉應地方山多田少土瘠民貧人情險詐士習輕浮健訟之風波  
及惠潮而訟師傳爲衣鉢械鬪之弊染自潮郡而長樂幾至濫觴  
至於結盟拜會一州四縣比比皆是官斯土者非精明強幹廉靜  
自持者不能發伏而摘奸也

職道

本年督辦把章鄉案駐劄三百

有餘日稔知其俗大率學習拳勇因而結拜弟兄粗識之無因而

伯山日記

一卷

三

舞弄刀筆則以地界福建江西惠州之故風氣所移效尤滋事當  
與金牧等言及治理之難甚於惠潮蓋惠州之民愚而不詐潮州  
之民蠻而不刁嘉應各屬則兼而有之甚至膽大妄爲如比年嘉  
應平遠京控各案全係平空捏造毫無影響之詞一經逐細查明  
駁詰卽已詞窮是其訟師伎倆亦止如此該牧令等但當悉心研  
鞫則無不能問之奸回亦無不能斷之訟蔓惟相習拜會實繁有  
徒且有積重難返之勢自應與惠州一律加意辦理也現在金牧  
守潔才明辦事細心可期徐觀後效平鎮興長正署各令雖才具  
皆非卓越然尙俱謹飭慎勤於地方事務留心經理不致貽悞伏

乞大人加之策勵則當益振刷精神力思整頓以仰副勤求治理之至意

職道

以樗櫟之庸材膺繁劇之重任去先害馬久嚴非種

之鋤事類驅雞又慮所操之蹙是以蚊負時虞粟冰淵以猶昔

持乏術如芒刺之在身所幸夙蒙青盼會期國士之知尤祈時錫

再箴得奉經師之訓敢述蕪詞伏惟鈞鑒恭請崇安謹繳鈞柬

職

謹稟云

云

其核議畧曰爲核議詳覆事案奉兩廣總督部堂盧

批據潮州府具稟潮屬械鬪情形並火器殺人命案分別籌辦請

示飭遵緣由奉批潮屬民情强悍械鬪成風爲民牧者亟宜力圖

整頓以挽澆風據稟整飭營伍以得兵力清釐控案以杜刁告等

伯山日記

一卷

五

情自應如此辦理其餘所論均不爲無見惟稱潮郡凶徒蠻悍性  
成動輒抗官拒捕知縣遇案情重大請兵圍捕而潮郡定章官兵  
單人非通稟批准在先不敢施放鎗砲而彼則無器不備并用鐵  
條鑿斷裝鎗抗拒乃官兵則持空鎗曷克有濟等語本部堂查罪  
人持仗拒捕捕者格殺勿論律有明條斷無查單持仗拒捕之犯  
必待通稟批准始行放鎗之理隨飭房檢查無是定章惟嘉慶六  
年吉前部堂任內因惠潮道稟辦華涌鄉械鬪之案凶黨把持抗  
不交犯有帶兵往鄉圍捕之語吉部堂札行東臬司親往會道查  
單不可輕易圍捕開鎗係恐用兵合屬郵莊放鎗玉石俱焚是以

慎重並無匪犯抗官放鎗拒捕而官兵只許手掣空鎗必待批

而後施放鎗砲之事此乃地方文武畏葸拘泥藉詞推諉希圖卸

咎明與定律有違仰東按察司即將該府所稟各情悉心核議通

詳飭遵至屍親赴省呈控火器殺人及有凶鬪情形之案請將原

告押發該府確審一節係爲杜其刁告起見自應隨時察核准行

仍候撫部院衙門批示此稟即繳又奉兼署廣東巡撫即務盧批

同仍候督部堂衙門批示繳稟抄發等因奉此本司伏查潮屬風

俗褻凌鬪風日熾該府蒞任未久亟圖挽回意誠足憐惟所稟整

飭營伍以得兵力清釐控案以杜刁告均爲治潮應辦之事惟其

伯山日記

一卷

五

中稍有格礙難行自當分別飭遵辦理本司悉心核議如該府稟  
稱潮屬凶徒蠻悍動輒抗官拒捕並用鐵條斷作鉛子裝鎗潮郡  
定章官兵非通稟批准不敢施放鎗砲以致匪徒視爲兒戲請將  
舊章變通如有械鬪重案文員請兵圍捕匪徒執持火器抗拒許  
兵丁放鎗擒捕登時格殺勿論並請咨行潮州鎮遇有此等案件  
責令汛弁協掣如須添兵及派大員或總鎮親往隨時由道府知  
會辦理等語查罪人持仗拒捕捕者登時格殺律得勿論斷無匪  
犯逞凶轉令捕人束手潮屬員弁帶兵緝捕被匪抗拒必須先行  
稟准方許開鎗擒掣現在已奉憲臺查明並無是事而地方遇有

械鬪重案武員自應一體協掣未便稍存推諉應如該府所請嗣後遇有械鬪重案文員請兵圍捕匪徒敢於執持鎗銃火器拒捕者許帶兵員弁督令兵丁放鎗擒捕登時格殺照律勿論如匪徒並無執持火器或偵探未確所捕並非實在匪徒致有違抗仍不得因有此議擅放逞威事後藉指格殺違者員弁兵丁分別參究并請飭行潮州鎮營嗣後各縣遇有械鬪案件責令汛弁協同文員督率兵役上緊拘凶如本汛兵少卽申請添撥倘案情較重須派大員督率隨時由道府知會辦理如營員協拘不力大員應往不往或不卽撥兵及縱兵搶掠民間財物許文員移會該管上司

伯山日記

一卷

七

查參究處又該府所稟各屬招解火器殺人之案凶犯多有頂替現在新舊未結者甚多古人罪疑惟輕今以不知誰何之人抵不知誰何之命豈非故入冤獄第鬪案本無凶犯可指又置認凶者於不問死無抵命之人是廢法矣獄究則刑濫法廢則刑弛均非除暴安良之道擬將審係鬪時在場施放鎗銃之犯及係鳥鎗手照例擬抵等語查用刑期在持平大辟不容率擬該府既明罪疑惟輕之義以頂凶抵命爲寬而又慮及死者無抵命之人或致法廢請將持械與鬪之犯照律抵償不知殺人雖有抵命之條必須所抵實係殺人之人方可謂之執法若因無凶手遂爾旁及非辜

是死者仍未伸冤而生者復遭枉戮明罰敕法夫豈宜然况兩造蠻觸紛爭在場者不知凡幾其所斃命或止一二人及十數人數十人而已較之持械之衆何啻什一設有報案將盡錄其徒以償之乎抑止於一命一抵餘置不問乎盡錄其徒以衆命而抵一人則濫餘置不問本同罪而異罰不公法至於濫而不公尙可藉以安良除暴耶且鬪案被殺率皆受僱匪徒當兵及交接之時旁人不救過問迨至喪生以後既無見證可憑卽死者之裔親亦早得買命錢而甘心箝口其指告正幫凶手無非主謀任意混開殺人者猶難得主名持械者更從何究詰此端一啟將與鬪者悉目之

伯山日記

一卷

七

爲正凶非惟不可勝誅抑且適增刁訟如以謂到案頂凶之犯審經施放鎗銃是其人本匪類律抵不枉殊不知彼雖在殺人之場未必僉有殺人之事遽令招認終不甘心一經解府解省翻供發回另審轉致不可收拾縱復通詳更正案情益涉支離且例內同案之犯代認重傷致脫本犯罪名較奸徒受賄挺身到官得從輕減而共鬪傷人與致斃人命復有生死之分豈可不事推詳概置重典矧茲貪利之輩殺人既可頂承則所供在場又安保其必無妄冒究與買凶抵命何異以羊易牛倘果訪察得真研求不易到案者確係共鬪之犯是其事經目擊非同道路傳聞何人致死何

人更不難向其轉訊緝擊正凶明置刑章該犯阻惡頂凶自有應得之罪所有關案正凶仍應訪緝辦理但斷不可勒令矜者交陪仍蹈奸弊是又在地方官實心訪察力除頑積習遇有關案先訪定主謀姓名購線擊獲向其追究在場持械殺人之犯分別火器金及傷痕悉心推鞠與主謀見證屍親實明毫無疑似者即可定爲正凶如稍涉疑似與實在場助鬪者則歸另案懲辦以警凶頑至烏鎗手以殺人爲恒業尤應於平日密飭各屬一一訪明或購線誘擒或請兵圍捕務期獲案盡法處治以除地方之害似此分別辦理較該府所請將審係鬪時施放鎗銃之犯及烏鎗手照

伯山日記

一卷

六

律擬抵之議較爲周妥又如所稟各屬松棍教唆屍親上控牽織無辜迨奉批飭審辦永不投案以致案結無期人證羈累其實原告詐錢入手業已置身事外嗣後遇有屍親赴省呈控鬪案懇將原告押發下府以便督縣審辦等語查松棍教唆妄控屍親藉命居奇牽累平民信爲可惡第其間情事亦有區分如本案業已獲犯審明擬斷並無偏抑或控案先經審結屍親妄告圖翻或前曾赴控批回並不遵傳投訊或原案並無其人審結後復行添捏混呈或訴詞羅列多人意在藉端索詐似此狡誣顯著誠如憲批自應隨時察核准行倘凶犯未經就獲控案尚未審明官司任意

延胥役從中需索或原斷實有未協所訴不盡無因似此虛實未分未便概行押發轉致長途繫遞小民負屈難伸惟潮屬命案屍親本多冒認其赴轅具控之人大抵僱倩省中無賴之徒代遞一經批准卽遂其沿鄉訛詐之計若押發質審地方官能迅速審斷先破其鬼蜮伎倆則屍親與訟棍索詐之術可以立窮是押發原告亦杜刁告之一法也抑本司更有請者潮屬近年鬪案日多擄搶之風亦日熾海揭惠普地方幾至道途爲梗究其致此之故良由地方詳辦鬪案率以頂凶爲利藪於是帶兵有費買凶有費屍親有費進監有費過堂有費解省有費凡此皆腹里閉之脂膏肥

伯山日記

一卷

九

官役之囊橐以致曩時之富戶半成此日之貧民民貧則爛匪日衆官貪則威望何存無怪相率效尤遂爾肆無忌憚本司前任潮州府道深悉近年械鬪多係爛匪有意釀成從中漁利因而禁辦頂凶一切兵費等名目概行裁革其屍親擇肥而噬羅織多名切誠各令不准按名票傳徒滋胥役索擾仍嚴督縣令及捕巡等官平日訪拏爛匪以獲犯之多寡察屬吏之情勤計自道光三年至七八年間每年所獲爛匪自百餘名至二百餘名不等分別詳辦雖未能盡絕根株然已稍除黨羽此數年中鬪案較少卽擄擄亦不似近年之甚蓋禁辦頂凶以杜冤濫則棍徒之科斂無由良懦

之身家可保嚴緝爛崽以除積惡使匪類之附從漸少各鄉之觸亦稀此固本司曩時千慮所知未敢自謂一成不易若夫勤聽斷以息民競勵操守而肅官常使民知理有可明而潛消鬪狠官不受賂而漸識尊嚴更廣耳目而爲先事之防察衙蠹而不授人以柄未鬪則速行彈壓消厥禍萌已鬪則速捕主謀勿任滋蔓俾斯民居恒免侵凌之患構衅無播弄之徒是爲治潮之良圖尤屬親民之扼要果能持之以久而勿失之以實而勿欺縱不能於積重難返之時遽收成效要不致有江河日下之勢遂作濫觴應請飭行該鎮道府及所屬各官遵照辦理緣奉批飭核議事理是

伯山日記

一卷

三

否有當理合詳候憲臺察核

云

二十六日謁署運司許糧道鄭

名開禧字雲麓甲戌進士福建龍溪人

知臺灣已平

額手加慶潮州米不敷食總須臺米接濟今臺灣平米不憂道梗

吾民不乏食矣謁藩司吉許發銀四千兩買補倉穀晚發揭陽信

二十七日謁臬憲楊畧談數語余極贊其稟中在場被殺之人卽

在場滋事之犯以無辜愚民抵償已非天理若復將所控之凶擬

抵尤屬黑獄等語極爲理透廉訪甚喜

二十八日謁督院無言而退

二十九日謁藩憲吉繼談伊在四川爲州縣時其政治與余同而

其杖斃咽喉匪則又因地制宜茂宰如此宜薦薦擢然州縣幾人到藩司歟又可發一慨也又謁雲麓觀察訪以治揭之道緣鄭係漳州人去潮不遠風俗畧同故詢之據云民亦知親官亦知畏官若是不難理矣隨以答揭陽佐貳信稿送閱其畧曰弟以庸才謬膺重任明知苦海且度慈航總期我不負民不計民之負我能盡一分之心卽我造一分之福民能省一分之費卽民厚一分之生卑辭屈體以求和愉色婉容以訪政凡我賢士大夫下逮高年碩德我若到門請見務勿如干木閉門彼若到署而言竊願效公孫開閣如有爛崽巨魁烏鎗高手不惜花紅四處訪緝一經挈獲予

伯山日記

一卷

三

以杖斃倘敢拒捕定必格殺業已面回各憲可無掣肘之虞然宰官之心肝豈能人人皆見宰官之言語豈能處處皆知所望公等於各紳士接見時先爲傳播報案不必花錢出署升堂皆可面見辦案斷不索費兵糈役食皆所自攜總以安良保富爲心不遂爛匪訟師之計必此心先求諒於庶民而後可論刑賞必此聲先能

於紳士而後可議興除倘能展一日之長必永矢終身之報

鄭以爲然惟屬紳士不可輕信恐皆陽驕也

十日上各憲衙門辭歲送本家戚友銀米柴炭有差是日督接

撫文臺灣撤兵本日貴州兵自廣西來抵三水督遣中軍恒安

侯補知府龐良澤前往截回

道光十三年癸巳正月初一日癸酉上各憲衙門拜年

初二日赴天后宮風神火神廟踏香班聞粵省番禺香山東莞陽江等各處每逢元旦鄰邨頑童相遇擲石相毆一童受傷即號召族衆持械互鬪有死者訟師即搆訟謂之打豐年勝者爲得吉兆而不知已一命論抵矣惡俗至此可哀也夫揭陽亦有此風奈何

初三日廣州太守招便酌具領藩司領毅價

初四日上撫轅拜年旋告以初十日起程撫長揖者再諭以到任橫定王意去做事不能辦者裝糊塗下手時便須一擊而中余對

伯山日記

一卷

三

日做官如做文入手緊湊便通身震動入手鬆懈餘無足觀矣撫又問攜眷去否余答以攜眷去撫以爲甚是旋即稟辭四會令李英望來申耆之姪也

初五日 先母忌辰設席祭奠哀哀我母離我四年矣悲悵一日

發韶州汪太守名忠德休甯人附還潮州志書又謝曲江侯大尹名之翰字南臺

東莞吳大尹名統鉤字錦如信又答潮州府司獄顧熊名兆各信

初六日赴司道稟辭是日司道請醫院未遇而反

初七日忌辰未出門

初八日赴督轅稟辭督云汝此去必好如此難缺不獨道府應爲

汝助力卽我等督撫亦須爲汝出力汝有難言之隱汝具來單密稟可謂信任之專矣又云汝去必須一人幫辦余答以幫辦之人非有守有爲素常相信者不敢延請而相信惟陳令鳳圖一人可否仰懇憲恩俯准陳令幫辦督云汝去回藩司云而退

初九日謁藩司稟辭藩言汝初到粵東卽委汝去做極難之缺做得好固不待言做得不好亦不肯爲汝咎至陳令鳳圖幫辦固佳但須汝本府以現在署理之人是否勝任稟我我卽可照行若我現在另委一人實一時不得其人余對以可否令陳令先行上省藩云此則不能非有公事不可來云又謁臬司稟辭臬言藩臺

伯山日記

一卷

三

云汝做得不好亦不爲汝咎此真用人之言但汝到任須從嚴又辭運司許惟問行期辭道鄭則贊余前日復佐貳之信并將原信加墨圍附還晚赴何正機處小飲蓋同揀發者四人爲余餞行確鳳修張文化余亦送席爲留別是席李善望所饋也

初十日早赴越華書院陳範川招陸劭文蕭梅生俱在坐以銀四兩購李中書所刻天下輿圖申書名兆洛乙丑進士江蘇武進人此圖爲亡友董曾

臣字方立所著而申耆題曰武進副貢董方立方立實舉孝廉未嘗中副車也同鄉同時脚色已不可信如此甚矣證古之難也晚謁廣州太守辭行留晚飯話別二鼓後出城登舟明日發船矣是

日吳鏘如贈女兒香四匣甚佳鏘如姓吳名毓鈞江蘇人治東莞有豪紳黃姓鏘如置之獄時稱能焉

十一日辰刻發船行一百二十里至增城縣增城自後漢析番禺置縣劉宋分設綏甯至梁陳間廢綏甯移東官郡治此寰宇記云白塔水庾水胥水三源上出龍川經增城而流入海卽此江矣

十二日辰刻發船船中聞揭陽人言揭陽闢之不止固由於習俗之深亦由府差四出向縣差索費縣差無所出勾通爛匪渾闖於是羅織富戶以遂其欲郡吏又從而索監費解費富民無完膚矣因憶夏侯太初之議曰今之長吏皆君吏民橫重以郡守累以刺

伯山日記

一卷

蓋

史若郡所設唯在大較則與州同無爲再重宜省郡守但任刺史刺史職存則監察不廢郡吏萬數還親農業以省煩費豐財殫數一也大縣之才皆堪郡守是非之訟每生異意順從則安直已則爭湯而除之則官省事簡二也又幹郡之吏職監諸縣營護黨親鄉邑舊故如有不副而因公掣頓民之困弊咎生於此若皆并合則亂原自塞三也若省郡守縣皆徑達事不壅隔官無留滯三代之風雖未可必簡一之化庶幾可致使民省費在於此矣亮哉斯言今上憲皆知便民省費矣曷不取此議而讀之嗚呼可慨也已

是日行八十里至赤嶺泊東莞治也東莞在兩漢爲博羅縣地東

晉爲寶安縣地自唐至德二年改縣南越志所云水東流入海驢道府至東莞是也

十三日卯刻發船行九十里晚泊博羅縣博羅漢縣地隋屬龍川郡唐屬循州五代屬滇州自趙宋以來屬惠州矣羅浮在望未得一登南越志云其穴冥然莫測其極北通句曲之山卽茅君內傳云第七洞名朱明耀真之天余丙舍在句曲此穴若通當不憚勞一探遂依親之願矣

十四日雨辰刻發船午過惠州府治惠州爲南海郡地晉治東官郡南齊移治懷安梁改置梁化郡隋爲龍川郡初廢郡置循州唐

伯山日記

一卷

蓋

爲循州海豐郡五代爲滇州宋爲惠州博羅郡元改惠州路自明置府附郭爲歸善縣東晉爲欣樂宋析爲三日安懷曰欣樂曰酉平齊改安懷爲懷安梁廢酉平自隋以來爲今縣矣昨日過別情洲思徐美之忠亮終於失位張緝之材能不免隕身懷古撫今偶成一律曰春風送我別情洲江草江花也自由雨歇南山來積聚月明東莞映清流季才忠亮同諸葛人敬仲材能并夏侯寂寞荒邱千古恨莫嗔羽化愛羅浮是日行五十里泊歸善之七日湖十五日卯刻發船行七十里泊歸善之瘦狗壠歸善本龍川地昔趙佗爲龍川尉所泣於此有龍穴鱷池此壠何自而名俟覓歸善

志考之

十六日微雨卯刻發船與家人談交州之地古稱難治昔薛敬文見呂岱從交州召出懼繼代者非其人上疏曰昔帝舜南巡卒於蒼梧泰置桂林南海象郡然則四國之內屬也有自來矣趙佐起番禺懷服百粵之君珠官之南是也漢武帝誅呂嘉開九郡設交趾刺史以鎮監之山川長遠習俗不齊言語同異重譯乃通民如禽獸長幼無別惟結徒跣貫頭左衽長吏之設雖有若無自斯以來頗徙中國罪人雜居其間使學書粗知言語使驛往來觀見禮化及後錫光爲交趾任延爲九真太守乃教其耕犁使之冠履爲

伯山日記

一卷

五

設媒官始聘娶建立學校導之經義由此以降四百餘年頗有士類自臣昔客始至之時珠崖除州縣嫁娶皆須八月引戶人民集會之時男女自相可適乃爲夫妻父母不能止交趾廉治九真郡龐二縣皆兄死弟妻其嫂世以此爲俗長吏恣聽不能禁制曰南郡男女裸體不以爲羞由此言之可謂蟲豸有視面目耳然而土廣人衆阻險毒害易以爲亂難使從治縣官羈縻示令威服田戶之租賦裁取供辦貴致遠珍名珠香藥象牙犀角珊瑚琉璃鸚鵡翡翠孔雀奇物充備寶玩不必仰其賦入以益中國也然在九甸之外長吏之選類不精覈漢時法寬多自放恣故數反違法珠

崖之廢起於長吏觀其好髮髡以爲髮及臣所見南海黃蓋爲日南太守下車以供設不豐掘殺主簿仍見驅逐九真太守儋瑛爲妻父周京作主人并請大吏酒酣作樂功曹番歆起舞屬京京不肯起歆猶迫強萌忿杖歆亡於郡內歆弟苗帥衆攻府毒矢射苗萌至物故交趾太守士燮遣兵致討卒不能克又故刺史會稽朱符多以鄉人虞震劉彥之徒分作長吏侵虐百姓強賦於民黃魚一枚收稻一斛百姓怨叛山賊并出攻州突郡符走入海流離喪亡次得南陽張津與荊州牧劉表爲隙兵弱敵強歲歲興軍諸將厭患去留自在津小檢攝威武不足爲所陵侮遂致殺沒後得零

伯山日記

一卷

五

陵賴恭先輩仁僅不曉時事又遣長沙吳巨爲蒼梧太守巨武夫輕悍不爲恭服所取相怨恨逐出恭求步騭是時津故將夷廖錢博之徒尙多隲以次鉏治綱紀適定會仍召出呂岱既至有士民之變越軍南征平討之日改置長吏章明王綱威加萬里大小承風由此言之綏邊撫裔實有其人牧伯之任旣宜清能荒流之表禍福尤甚今日交州雖名粗定尙有高涼宿賊其南海蒼梧鬱林珠官四郡界未綏依作寇盜專爲亡叛逋逃之數若岱不復南新刺史宜得精密檢攝八郡方畧智計能稍稍以漸能治高涼者假其威寵借之形勢責其成效庶幾可補復如但中人近守常法無

奇數異術者則羣惡日滋久遠成害故國之安危在於所任不可不察也竊懼朝廷忽輕其選故敢竭愚情以廣聖思云

薛君所云

云綏邊撫裔人材之難如此而近日部中尚以不合例橫加駁飭乎至疏中可謂盡多有覲面目之語與刺史五人之治合之盧制軍前日所言民視官如盜賊官視民如禽獸其契合符不意斯地內屬化治自黃龍三年辛亥至道光十二年壬辰一千六百一十二年風氣尚如斯也選守令者能假其威權借之形勢稍稍以漸耶而近守常法無奇數異術者方且從而掣其肘矣無怪乎眾惡日滋久遠成害也是日行六十里泊河源之秋香邨河源自唐武

伯山日記

一卷

天

德五年析置石城縣貞觀初省入屬循州明洪武二年移治屬惠州崇禎六年屬連平州 國朝復屬惠州南越志云西有淡谿谿有疎石號曰石亭北在遼岡石谿之鄉有山號曰營岡岡之間常有銅弩牙流出父老云昔趙佗營在此也若有人收此弩牙即風雨敗之舟船淪沒又有介然孤石在越王關下有石鑊可容數十斛恒有懸注而竟不溢此物若存何不取之貯鎮海樓以配銅壺耶

十七日辰刻發船行七十里泊石港城其南越志所稱石谿岡耶距河源縣治三十里

十八日辰刻發船早雨午晴過河源縣治是日行七十里泊古門途中探老龍米價斗三百八十錢

十九日辰刻發船戲作孫討逆論曰日月不居歲序如流人生祿位皆所可致所不可致年耳孫討逆以破敗之餘得父部曲遂翺翔而不可制當其表為折衝校尉時兵財數千騎數十匹賓客願從者百餘人耳史稱其美姿顏好笑語士民見者莫不盡心為致死然則姿顏之美其於天下也庸可已乎又一時諸將若周瑜程普等俱有姿貌呂範張溫朱據等後亦以貌取其廣備英雄有以也孔子曰不有朱朝之美難乎免於今之世矣信夫是日行八十里泊學堂仍河源地

伯山日記

一卷

兼

二十日辰刻發船行七十里泊龍川之新塔下龍川古縣隋開皇十一年省入河源唐天授二年改置雷鄉宋宣和三年更名雷江自元以來屬惠州矣

二十一日卯刻發船辰刻大雨初聞雷已刻抵老龍至此須舍船逾嶺矣此江舊名剏溪此嶺宋時呼為丞相嶺唐大厯中宰相裴袞除潮州遂經此嶺因名是嶺也其謫宦之所由乎感而成詩曰昔謁丞相祠

庚橫有張子壽祠顏曰丞相祠堂

今望丞相嶺山色赴春暝風微颺

影靜昔賢此寂寞千載一俄頃側身瞻四方吾徒方馳騁飯後作

諭揭陽書役檄曰本縣恭奉憲檄遴署斯邦凡吾所以來亦欲爲  
揭民鋤強扶弱息訟止鬪保富安良而已今與爾等約搭臺者杖  
斃疲玩者革役藉端科斂恐嚇取財者計贓科罪如律所有到任  
堂規概不收受其爾等各該房經管事宜須知冊籍但遵照向例  
於交界處所稟見時面呈但本縣歷任以來各書所呈輿圖皆籠  
統繪貼觀者不明夫地圖方志之不明無以道地應方應也今發  
去圖式一紙繪作方野每方爲一里先四至次八到次依道里遠  
近爲各邨莊某邨去某邨若干里由大道來經某處由徑道來經  
某處用五色以分別之用紅紙小簽貼說於其上每房各呈一圖

伯山日記

一卷

五

隨冊籍申繳俾吾有以知都鄙稍甸郊里之大凡因是以辨夫家  
人民田萊之分數可以依之訪疾若策機宜其爲效於政治也不  
亦多乎其如限無違

二十二日發行李上過載行

二十三日在船

二十四日四鼓起天明催夫辰刻始就道度秦嶺過藍關長樂沈

大尹

名世鎮

差人在韓祠備茶尖因謁韓公祠途中成一詩曰淪

淪春流汎黍苗蓬蓬遠樹長雲霄神仙名士自古曠色愁心送

歲朝薄宦十年常局促故人萬里更蕭條

調陳機亭

余與機亭在中州俱以憂去官會

當一握樽前手痛哭狂歌酒不消酉刻行抵歧嶺下船船名六潏  
陋之至不解自潮來者何以豔稱此船事真有不可解者矣

二十五日舟泊未行遣家人赴揭陽投紅諭並寄機亭書

二十六日辰刻發船自二十一日雨至今日始見曉行三十里泊

青溪長樂縣地長樂在兩溪爲龍川縣地在晉爲興甯縣地南漢

移興甯縣來治宋天禧二年徙興甯還故縣廢爲長樂鎮熙甯四

年改置屬循州明初移治屬惠州本朝割屬嘉應州矣

二十七日辰刻發船行三十五里泊西林渡距長樂治財五里升

米錢五十麥穗尙茂農民割其穗之將熟者而食不能待其熟矣

伯山日記

一卷

五

戊刻大雨雹一食頃麥菜受傷春饑游臻奈之何民不窮且盜也  
爲之三歎

二十八日辰刻發船午刻晴行四十五里泊黃泥圩仍長樂地聞

榜人言有石名羅浮石甚奇古惜未訪石丈一拜也

二十九日辰刻發船行五里至七都河口有一水來會其一水名

溪潭係雙汶河自永安來至長樂十二都司并一河來此合流長

年打槳無復爬沙之苦舟行甚駛也行至乾塘買柴每束七文錢

蓋值斤一文是日行一百里泊嘉應州之熙大邨嘉應州在兩漢

爲揭陽地在晉爲海陽地南漢乾和三年置獻州趙宋爲梅州義